

Broj: 01-36-1-134-28-4/13
Sarajevo, 26. 11. 2013. godine

Na osnovu člana 58. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 38/05) i člana 22. Pravilnika o unutrašnjoj organizaciji Federalnog ministarstva raseljenih osoba i izbjeglica, broj: 01-02-1598-7/12 od 26. juna 2013. godine, federalni ministar raseljenih osoba i izbjeglica d o n o s i:

ODLUKU

o produženju roka za podnošenje prijava po Javnom pozivu raseljenim osobama u Federaciji Bosne i Hercegovine i povratnicima u Republici Srpskoj za pomoć u stambenom zbrinjavanju u okviru Regionalnog programa stambenog zbrinjavanja (RSP u BiH)

I

Rok za podnošenje prijava po Javnom pozivu raseljenim osobama u Federaciji Bosne i Hercegovine i povratnicima u Republici Srpskoj za pomoć u stambenom zbrinjavanju u okviru Regionalnog programa stambenog zbrinjavanja (RSP u BiH) produžuje se do 08. 01. 2014. godine.

II

Odluka o produženju roka za podnošenje prijava biće objavljena na web stranici Federalnog ministarstva raseljenih osoba i izbjeglica i dnevnim novinama „Nazavljane novine“, „Dnevni list“ i „Oslobođenje“.

III

Ova Odluka stupa na snagu danom donošenja.

Obrazloženje

Preostavnic Federalnog ministarstva raseljenih osoba i izbjeglica su u proteklom periodu održali sastanke sa predstavnicima resornih kantonalnih ministarstava, općina, centara za socijalni rad i nevladinog sektora u Hercegovačko - neretvanskom, Zapadnohercegovačkom, Kantonu 10, Kantonu Sarajevo i Posavskom kantonu radi upoznavanja sa raspisanim Javnim pozivom i dijelovima Regionalnog programa stambenog zbrinjavanja. Detaljnom analizom navedenog Programa, učesnici su iskazali potrebu za produženjem Javnog poziva kako bi upoznali najugroženije kategorije potencijalnih korisnika sa istim i pružili im pomoć radi aplikiranja na navedeni Javni poziv. Pored toga, svakodnevno se Ministarstvu obraćaju građani koji su zainteresovani da apliciraju na Javni poziv, ali im je potreban duži vremenski period zbog prikupljanja potrebne dokumentacije.

Na osnovu naprijed navedenog, odlučeno je kao u dispozitivu ove Odluke.

Akt pripremio Sektor 04
Miroslav T.

Dostaviti:

1. Kabinet ministra
2. Sektor 02
3. Sektor 04
4. z/a

